

聖宋名賢五百家播芳大全文粹

二十三

疊幅

與林內翰小簡

毛伯穎

歲律道暮共惟坦明述作潤色皇猷中和之氣宣變海隅士林攸仰神明勵相台候動止萬福謹具啓承候下執事

伏以睿聖勃興恢儒復古雲漢昭回之光下飾萬物天啓賢業所以經緯天地黼黻百代其官以辭章軌匠爲諸儒宗獨華發藻馳騁六經百氏奉其芳蕤挹其流潤光贊人文啓誘後學方將闡其儒效承寧康濟莫枕于京四海清議無不聳望敢與以時斟酌泰和保練冲粹早膺典冊垂副具瞻下情無任虔頌

某岷峨遐徼一介腐生材質駑蹇聲華昧昧曾無以振奮枯槁決注潢汗仰望陽春巨浸之末切觀某官絕塵希世之蹤高步青冥爲斯文軌轍不自揆量砥行立名以求自託附驥尾而致千里敢飾其固陋不腆自通於下執仰惟樂育英才之度有以幸教之

某棲遲岷蜀之蹟卑冗望神覩觀如在霄漢固未嘗得儼戒衣冠贊其姓名通謁於大君子之庭以自附於一時賢雋纓紱之塵垢也頃緣郡吏之職論列五事不意其文偶經某官之鑒裁凡厥朋舊籛書移報皆汗辱執事曲加稱獎論薦於公朝誇於稠人廣衆中自惟不腆固陋何修而得此韓退之有言身在貧賤爲天下所不知獨見遇於大賢乃爲貴耳不圖漂末小子有此嘉遇榮幸欣荷眇然六尺之軀無以負戴

某政和二年忝冒名第建炎中謨蒙收召遺跡文館遭維揚之變垂翅北歸賴清朝樂育之仁三忝郡符粗知奉法循理攻苦食淡恪恭職業年華日侵舊殖荒落豈敢復希英雋之塗輒比蒙某官一賜題品溝中斷木遂有青黃黼黻之望輒修短啓并所業一編專人遠獻黃閣下伏望討論潤色之暇略賜觀采而還以一字之褒貶庶幾驚蹇之姿尚得振纓頓轡昂首奮臆無自疲於沃若也干冒師匠無任戰慄俟命之至

某備負眉山當民俗剽賊吏道狼曠之地征調煩異日不暇給粗能刻肌刻骨勞心撫字浸書兩考未貽敗曠於朝廷素無葺葺鴻毛之介先容之重而猥蒙齒記再剖符竹諒皆某官慶雲清風灑潤而載響游揚休明之賜有此忝冒非晚拜命即當解紱待次林壤未由濯冠沐浴趨伏墻仞仰望階符之光倭倭丹衷豈勝瞻傚

上汪內翰小簡

賀冬

冬律屆中天元肇序共惟燕申休暇幽顯贊扶台液動止萬福某承之于此遠竊雲麻未繇參拜光儀謹勅手訥申詞記史承候茵鼎之誠前楮已肅不審比辰台履復復奚若緬惟德宇坦夷智恬交養百順千祥駢集慶闡升辰初屆氣令正寒更祈惠序精毓粹冲佇膺峻召式慰士夫之望

某官與學離倫懿文貫道才雄王佐名擅儒宗固宜進任鈞衡以據經綸之遠業暫居外郡深鬱輿情當陽剛初長之辰正君

方四十七

二

子道身之際佇聞召路近輔以茂著於忠勳下情祈向深切

星回昴陸化日肇舒共推碩德對時誕膺殊祉某以拘縻吏役不獲躬造賓闕輒修手牘以代慶儀卑悰無任祝頌之至

某才術踈愚徒勞偏郡遠荷台庇以追謹訶恨未能趨侍談塵以釋鄙吝惟山仰之心與日俱積比嘗遣介馳貢柔訥已塵玷典書營跋門墻媿爽飛越

與刑侍小簡

賀新除

熊子復

春色融和物華韶麗共惟禁路從橐密拱宸旒台候動止萬福某猥屬奔馳猶稽瞻望將叙勤拳之意輒修狂簡之辭仰干典曹伏幸台察

祗詞燕居已遵彝式仰幾珍食敢致申言恭惟登侍於邃嚴對此順迎於冲粹春陽駘蕩神物護持願加葆練之宜庸副薦紳之望伏審妙簡宸廷禁路優從日之嘉頌審治古之象刑共惟驩慶某竦聽傳郵虔修賀贊仰窺賢蘊固知道之將行退激愚

衷乃至喜而不寐依歸第劇頌歎多殫

恭以判部侍郎碩德鎮時懿文華國彌縫省闈已綽著於顯庸獻納從塗果特膺於妙選當陟政塗之峻益觀賢業之亨由階而升可拱以俟

夙仰英符逖依巨庇比纜抵於遠部已贊謝絨茲竊審於新除敢裁慶牘屬蜀方行於原隰阻親拜於門墻搖筆怔忡伏楮惶懼仰祈洪度俯亮危衷

某拙无取材鈍不及事謬玷光華之遣未殫毫髮之勤惟仰藉於悁悵庶少遲於沙汰誓當圖報詎敢殫忘

台閣僊聚諒有休祥海部郵司豈无驅委有心敬祝綿力願宣

上李侍郎小簡

元冥司令氣候薄寒共惟燕處超然天人交相台候動止萬福某承乏郡庠遠竊悵比未由瞻望履約謹具手訥申詞記府

適辰未審台履復復何如欽想道襟冲曠德宇坦夷百靈潛衛度祉

駢臻胡律戒嚴漸覺凝凜更祈妙毓粹和前膺密召以慰士大夫之望

某官學貫九流智周萬物英姿碩德拔萃離倫實間世之巨賢中興之良佐故能夙持從橐屢撫名藩存著遠猷暫茲退寓遐邦深鬱輿論佇聞榮還禁近進陟鈞樞及發淵謨以康福天下搢紳士庶莫不延頸以俟

孤賤寒生仰服重望為年久矣恨以未能進掃舍人之門惟執鞭晞驥之心夙暮有加竭來黷言密邇台光益聞德誼之闊深愈覺志意激昂鄙吝潛去而况乎親炙者乎瞻企墻仞神爽飛越

與胡侍郎小簡

中秋氣候明爽伏惟論思之暇參侍清光神明輔相台候動止萬福某待次鄉關方遠屏著仰冀上為宗社保攝嚴重謹具啓起居某申問夔寢敬具右緒不審比辰台用何似仰惟貳理司刑周旋禁掖福履蕃衍時序向寒更乞保御和粹以副紳綬之係

共惟某官以忠孝結主知以文章壯國躬碩德偉望浩然歸重而回翔憲部閱日滋久輿議謂何倚需登庸摠發素學爲蒼生併懔中外攸矚非特門生之私頌也

某坎壈之資行能无取而又與閣下素昧平生伏蒙特達之知與賜收錄寵加論薦願驚下何以仰承眷遇自非大賢君子以延譽晚進爲心安得不遺封菲下舛耶恩等丘山未知補報毫楮叙謝莫究万一

某頃嘗求見而典謁者以謝客爲阻既而南歸復造台屏又承旌飾入學士院俱曾拜漫滅之刺某既出門下自合曰伏材館何致謝禮竟尔不果罪涉簡慢豈容輕貸尚恃寬仁置諸度外伏楮省循戰汗之極

某蹤跡踈遠加之拙官不能追時好以取世資甘心州縣蓋有年矣侍從間非乏朋舊昨抵行闕間辱與進者而白眼相視無戀戀故人意斯皆自取弃外復何怨尤豈期遭值洪儒護短藏疾割相

推借實出望外雖幽谷蒙暄未足比擬此心耿耿御德無改某得邑僻左闕期尚遠居閑處獨因得尋繹舊李恐誤知人之明何時俯伏墀圮叨預占侍翹風引首悵惘如失

上王侍郎小簡

春事過半寒色尚力共惟銓總之暇神所相勞台候萬福某竊祿祠館杜門索居未繇趨伏屏下謹具狀參候

某蒙恩便私遂遠門墻翹風馳情豈勝大馬之戀即日不審台用何似願言調護倚須柄除以副中外傾屬之切

某僻居如坐井諸公遷擢漫不省知比至見報狀竊承寵陞法從進贊銓曹某又被眷知屬以阻遠云緣從賀履之末贊喜門下區區但切燕雀之抃

某承乏都司蒙視遇爲最厚於其得請又飲餞之以寵其行而襄

懶不即萬狀叙致左右不審台慈能闊畧否不然何以逃責某還家累月遠賴大庇幸四境亡虞時得以扁舟芒屨放浪湖山萬想

滅矣獨於盛德未能忘情

上黃侍郎小簡

比者伏審光奉制書峻躋巖巖要光采儒林增華法從搢紳歆仰爲之嘆頌矧叨眷舊燕賀雀躍之情當復如何切幸加亮

仰惟侍郎曩居諫垣議論切直孰不傾望風采比自侯藩入居禁林中外輿情方以鼎飪期於左右今茲擢真邇列實柄用之漸也倚需進拜以安公議

某比貢起居之間伏計塵徹聽司時以未知除命尚循舊稱繼聆寵遷近班追訟不及愧汗浹膚尚持台慈貸此情實

上楊戶部小簡

毛伯穎

初秋暑雨蒸潤共惟明光危從日侍威顏朝夕論思仁言博利逮於海宇神理聽勞台候動止萬福謹具啓承記室

比覩報狀共審某官釋天府浩穰總地官調制龍名登進僉論允諧幸甚幸甚伏以時方艱難兵所供億修六府而和三事出千品

方四十七

十

而具万方儻非傑才孰稱此舉願因長財之效遂躋論道之榮某素荷知憐道路阻不敢具牋啓申賀不勝彈冠附驥之誠

某自四月已來累致不腆竿牘想繼呈徹文几衰棕落莫墊踣薄領無可言者素持知愛惟日夜祠禱願執事早輔大政登進羣材則雞壘豸豸終在藥籠之末耳

與程侍講小簡

馮當可

台座至天彭已數日不審爲况何如干將莫耶之器有百鍊之精故其利無前閣下方以文章事業受知君相而忽逢短毀此正古人之所常然者造物未必不以此撻拂成就而大振耀之也天下搢紳士大夫孰不翹首傾心以望側席之招如某儻未死滅尚冀得朋友之力湔洗罪垢其所覬願百倍於儔輩也窮通之際古人所難處漢獨一賈誼聞道一出長沙悲憂無聊夫內有九鼎之重在外者不啻一羽伏惟深入聖賢闢奧居然於中人莫得窺其涯際異日富貴鼎來徐起而受之如所固有區區有望於台座也

久去誨色近一見獲侍教者三月嘻笑飲食無非訓迪漑濯既已自深矣以遂得見隱居賦什粲然盈編掃去浮雲淡月之餘習而直以大雅中正為音其諷刺規美於脩身行己補於世教者甚多所謂大羹元酒有典有則薄滋味不必它求矣今世人以佛家利人接物為功然室寂無相非定慧所不能了如新篇理道坦然孩提之童亦以開悟儻遂交口教授其為防閑閑範力不勞而功自過之前日卒卒不能具錄敢望特為寄惠一篇庶以為坐銘多荷

與都承小簡

睽闊兩更歲齷齪區區馳情不少志也暑氣正炎共惟神相賢業台候萬福某衰晚諸念泊然掃迹窮僻賴此粗安亡足勤執事之念南望未由叩謁謹寓記起居

去秋上狀之後復以傳播洶洶挈家島嶼經時不聞人足音雖念公甚勤亡從嗣問為愧可量近歸故里方欲稍定求便具記俾來致所惠教竟為左右所先伏讀數感無以為喻仍審還自仙里諸

方四十七

况甚休尤慰區區都司淹留亦既踰時諒朝夕必還持橐之除成德相見不踈否想亦非久於棘寺者相距不遠未有承款之幸臨

帝益深嚮仰自餘保練亟膺寵除以副中外之望香茶辱貺精好皆今歲所未有物意兩重拜賜感悚暑月第愧未有以報爾

與張大資小簡

孫仲益

某淪弃泥塗已絕意雲霓不謂野次有接待之款執事存錄故交不以位貌為間置之客右至今踟躇不遑也

某辭去便趨荆谿路與壽朋館於橫山父乃移舟入善權故人一笑之適凡十日而後別也伏念大資倦飛之餘行復冲天矣恐未得專此閑也

伏蒙存省馳賜翰墨共承嘉惠三復感嘆某方圖掃門之役猶懼以踈慢督過豈敢食言朝夕負荆門下謝不敏

重陽令節追歡筋力非復故時伏蒙遣騎分送名酒洗盞開嘗為

之首一昂也糟薑亦已拜賜匆匆莫喻欣感萬懷

上王給事小簡

某熟於先達之聲猷爲日滋久雲泥執貌早幸願見此心邈依無以借喻何當管近杖履一洗牢吝引脰台屏神往形留

仰惟某官以懿文奧學亟踐詞科揚歷顯途咫尺黃閣尚稽大拜公論謂何竊揆制麻可立以俟霈然霖雨蘇萬物門生故吏端有望於沾丐也聞之輿誦非敢爲佞

某仕無他長名聞不白於士夫執孤援寡正虞罪斥豈圖過聽曲賜薦揚雖至公特達不間踈外其如感怍胡以爲辭面謝無期伏紙但深注仰

上湯司諫小簡

熊子復

露凝曉爽風滌午煩恭惟天啓忠嘉神依諒直台候擁福時曼其猥縻守絃阻造賓閣猥修狂斐之辭虔奉燕申之問

祇叙寒燠厥有定彝敬候夙宵是爲申款伏想揖曼空之爽氣揚

諫路之直聲仲默護持人傾頌禱宜擁多祺之茂更膺新渥之華

伏自拜違星鳳之宇屢閱歲時審觀雲龍之庭荐馳書問尚遲趨於墻仞第遙想於階符聲則成文言豈足意

恭以司諫以雅健之文淹貫之學而掇異科以勁正之德傑特之才而結殊眷自旋歸於井絡遂契合於辰居記事左垣代言西掖

果踐伏蒲之列已階挈橐之除將荐拜於綸音遂預聞於機政用彰祖烈允穆師虞

伏審光膺命冊易踐諫垣廟筭夙成尚戒幾微之失廷爭特立是資獻納之良除日初傳輿情相慶綴簪紳之武莫致賀辭剽簡

牘之文第將誠意

雲蔭高闕星華大眷茂對清涼之序荐迎穰簡之祥

上勾龍舍人小簡

寒氣日嚴伏惟揮翰紫微默膺神相台候動止萬福某屬拘賤職參覲未辰謹具啓申詞典箴

其候問與寢謹具副封不審比辰台用何似仰惟日侍清光密陪國論天氣順迎戩穀茂冬序向深益御冲粹以需柄用卑情無任虔扣

共惟舍人侍講資望兼隆名實素著天下以爲宜登法從父矣廼者伏蒙越由柱史進直西垣優息所宜羣聽比嘗諒惟潤色皇猷丹青元化其功烈豈淺淺哉惟祈蚤步台極均福蒼生俾達暮者獲覩盛際不勝至願

拜遠台光浸歷歲時雲泥執異旣無緣可親警效而起居之問亦缺然不嗣罪涉簡慢夫復何言每念疇昔獲親教誨復不能自絕輒負尺書以代負荆之請儻蒙曠度真諸禮外尤爲厚幸伏承某官以燕許大手筆爲明主所知豈勝欣沃之情而川陸脩阻思欲擁篲門牆有不可得若瞻景仰第深結約

與劉侍郎小簡

孫仲益

荐領手誨喜聞動止屬相去國謂公便還朝廷而曲突徙薪之功

每在焦頭爛額之後何也然公豈父外者當拱而俟之耳

公辭郡甚善龔遂治渤海奏言陛下無令丞相御史拘臣以文法宣帝許之今日從臣守凋郡必度外有所爲而待歲月方可冀尺寸之功也若一人守之數十人伺之搖手舉足便嗾獒爲祟固不若明哲保身之愈也

與朱侍郎小簡

恭惟西清荷橐朝夕論思忠言美利陰被海宇神祇鑒勞台候動止萬福謹具手啓承起居

伏以休運中興烜赫盛德而執事以道學辭章世其家聲風華譽望冠映朝著海內清議日竚延登燮理之命更冀以時保練斟酌冲和惠綏勞寵

備負士鄉浸書兩考無一最一狀可稱寒猥蒙朝廷記錄再昇符竹吹噓借重秋毫已上尽出友念已於傳述中及使人再致竿牘披露恐未徹省覽敢申言之

儻被臨卽命即當解絃休偃林藪以待次也然鄙恇固陋心地蕪穢舊殖都落無緣摳衣趨隅一奉名理之誨臨帝豈勝瞻戀

與舍人小簡

韓子蒼

某伏違歲久末路流落挈挈過日故於親知書問例廢不講猶憶初到臨川草堂僧迴曾持一幅紙道鄙意想登几按也自此多病轉益藏縮了不見有人往泉南者既不嗣音惟勤瞻仰忽辱手記豈獨把玩欣慰且將陪杖屨於七閩之山臨紙喜笑謹具報萬分某寓撫今四年矣地當要衝無事即多過客每日劫劫應接不辦有事即軍馬上下不絕惴惴於此未嘗一夕得安眠也近來頗欲小葺茆茨與世隔闕庶幾餘年遠離憂怖然畢竟墮渺茫又欲去之他邦老病廢棄舉世不要正爾躊躇豈知有以尺書數千里外辱見招乎發書驚嘆此古大丈夫事尋常聞之簡策不謂親見之末俗中也窮窘漸湏打疊加以熱甚只候秋風緊鞞草鞋已託鵬舉使君營一居處得寬潔高爽乃稱遠客耳雖未參晤

預想聲顏已深欣喜

方四十七

九

蒙諭所歷道路具悉私心久欲遊闕常日問人胷中已自有一卷行程敢不遵依竊知草菴得妙喜師開山不喜妙喜之得此菴喜此菴之得妙喜也然此道人孤高絕俗與世寡合此正是其所長以故惡嫉之者衆惟曠懷偉度乃能期之物外若得安居使老園悟之風焜燿泉南寶叢林盛事也

與錢右司小簡

中春尚寒共推台候動止萬福某藉遠庇幸四郊帖然得安田里唯是隔闊未有承教之緣朔風管悵不勝拳拳

某都司方幸親依蒙息便私遂有相遠之嘆雖時見令弟得問起居狀而老懶竿牘竟為左右所先開讀感悚亡以為喻別後為况何如高才碩學時論屬望久矣諒惟遷擢可拱以俟惟幾調護與居以副輿望

某居鄉兀然無他念唯族人與親戚故舊時設酒相候樂間從道

人釋子爲清游閑放有餘獨與左右參辰此其恨也

與張侍郎小簡

張安國

季秋之月共惟天相耆德台候動止萬福某謹上問侍郎自布衣以道德文章師表天下又卓然以公輔之望歸先生者餘三十年矣大而不容身筮挫而道益伸今雖里閭燕居朝野善頌恃公以爲主盟敢乞精護寢興垂副勸鄉

某無所知識皎然此心願以身託門下庶幾不爲小人之歸惟古有弟子所以承師之義未嘗以書傳也今一再拜教溢于牋翰顧皆非某所宜得於先生者蓋未嘗承顏接辭則宜先生之不知某也先生儻有收拾之意繼今以往請與命

上葉侍御小簡

某屬者輒以書牘申布記至伏蒙台慈寵賜台長翰撫存深厚仰佩眷憐豈勝欣荷某茲者蒙恩起之祠祿畀以符竹伏念某一介冗散憂患頻仍志慮凋喪齒髮耗落豈宜叨冒郡寄推侍御平

日矜憐獎與成就之賜感激恐懼交集于中謹當鞭策疲駕夙夜黽勉上副朝廷惠養元元輯和封疆之意伏惟矜察

伏審光膺明詔進長霜臺風采益尊紀綱日振推侍御果剛方之操而行正大之言當天子開衆正之門而膺雄劇之任君臣合契千載一時公道顯行國勢增重天下幸甚某出入門墻久蒙知遇欣聞盛事爲天下賀獨以私門多故夏中奔走中囑得疾危殆以是修敬後時不敏之愆無以自文尚恃大雅遠度有以寬貸某下情併深皇恐

上中丞小簡

春氣漸暄伏惟肅正臺綱神人交輔台候動止萬福某遠託雲庇未詰參侍謹具手啓仰承夔食寢

候問興居已布右幅不審比辰台用何似伏乞保御粹和節調神觀以綏多祉下情至扣

廼者竊披邸報伏承光被綸言峻遷臺長朝蒙得賢公議胥協

共推歡慶其官守拘攣無由俯伏台祀稱慶引企恩闕第深頌詠
其仰惟憲臺臺寶百僚紀綱地雄峻莫擬自非剛明中正不畏強禦
孰能副此眷遇恭想垂紳正笏勁氣危言大愜聖心竚期進秉鈞
軸用究格天之業

歲前人還伏蒙台誨寵答祇讀再四感服謙光無以為諭願罄帝
遺箴晉人所弗取廼辱記憐未忍終弃惟當鏤諸肺腑永矢弗諉區
區叙謝言不能究

廼者天意悔禍遠人革心前日河南故地悉歸板圖恩沛一施四
海洒然相慶以謂我宋中興恢復大業在此時矣共惟中丞雍容
進對所以仰禔國論當載諸簡冊焜耀今古上方虛罇至言願益
罄忠嘉以永終譽

上辛侍御小簡

春半尚寒共惟台候動止萬福某遠藉庇賴幸四郊恬然得以偷
安田里唯是隔濶未有承顏接辭之幸遡風瞻悵不勝依依

五十一方

某備員首闈方幸親炙蒙息便私自此遂遠門牆南望瞻依但切
犬馬之戀即日不審台候何似共惟神右忠勤益介景福春候深
矣寒暄殊未節敢斷妙畜和倪副主上眷倚亟躋中興天下幸甚
某居鄉數月時時聞佛出世獨年兄尚徘徊烏府措紳之論其鬱
也切以盛德之士主上虛已擢之言路仰惟聖意豈徒然哉蓋將
自此專用之也中外唱喁日夕拱竦

某乍歸一番應接之擾故於記室之間為不敏今者寓記又恃末
契不敢作圓緘外啓敢幸察

上張侍郎小簡

毛伯穎

歲律道盡涸陰沍寒恭惟明光近密宗論竝議朝夕獻納激昂萬
乘休被四海神祇聽勞台候起居萬福謹具手啓承下執事

恭以某官道學辭章才猷智略隱然為措紳領袖更踐履歷所
至治辦太阿龍泉游刃恢恢釐席眷思日奉清閑之燕忠嘉啓沃
便當參翊政路敢冀以道葆練斟酌粹和順受多祉以慰僉論

伏自石渠拜違雖嘗數致問牘亦蒙裁報辭旨渥密肝衡推轂之意寒素榮幸但恨縻於塵符日恪俗吏之繩墨無緣彈振冠裾以奉使令於前稍希螟蠲之化凝僚墻仞迺情豈勝瞻結

恭惟某官祗膺溫詔還侍禁塗聲華章章聳動朝野某辱在眇眇之末猶深賀履私情輒具短啓少摭誦詠德美之萬一千冒省覽伏深聳仄

某備負眉山庸庸碌碌無一最一狀可紀蒙朝廷收齒再昇臨印符竹人微地寒素無容援何以得此諒皆某官吹噓借重之有素致此叨冒迺情銜荷筆語難既

久蒙敷獎樂育服大匠之規矩然念棲遲郡吏日困簿領朱墨書生事無以自見每懷羞悻恐負疇昔知遇輒繕錄近文一編專人馳獻以幸指瑕投類之賜

上嚴司業小簡

某申調菲誠恪實公式即此秋深氣冷伏惟誨育多暇天人參介

台候起居萬福某承乏支郡遠竊蒙庇尚阻趨覲謹勒手續塵

玷記史

邇辰素商浸晚天高氣清未審台履奚似欽惟設教上庠英髦誠服休祥之至黜有相扶更祈妙護鼎茵別膺顯拜式慰傾禱之勤

某官傑才拔萃奧學離倫科名德望皆爲當世第一固宜亟登翰苑平步岩廊以茂摠於素蘊暫總儒宮殊鬱鬱公議

竊惟朝廷優革修文崇用儒雅其於兩學師長之任遴簡尤精雖以全才碩德論之不過假途然宸衷眷注之隆亦可見矣佇聞揭旣晉擢峻除樞衡以均福於寰海某素蒙知炤尤切願言

頃年備負仙府參畫帥幕幸嘗瞻際風度慰懌無窮聯迹英規五更歲籥飄蓬遠官又缺修真柔函惟傾跂門墻夙宵罔替區區依戀伏楮弥深

迂拙之資分符遐徼仰叨河潤之深龜勉綏懷已書一考尚慮踈

愚有所未逮更願雲麻廣被俾道謹詞不勝至幸仰恃台念敢布
腹心

上陳司業小簡

素商告晚萬寶順成恭惟立道優閑神靈交贊其台候燕興高福
其遠竊雲蔭未由瞻拜墻仞謹具手訥申塵典記

邇辰不審台履復何如緬惟設科樂育猷訓漸漬戩穀之繁顯幽
咸相金風蕭瑟氣序向寒敢祈上躰眷隆妙毓神觀別膺晉拜下
尉拳拳之頌

某官嶽鎮儲靈奎躔鍾粹應半千之休邁摧冠魏科逢室道山
備彰該博虎闈槐市暫屈師宗茂實英聲騰播內外某雖不才
得與芹泮青衿共蒙教育實不勝抃蹈之至

竊惟中興在運主上登崇俊傑以熙帝載急賢之心惟恐不及矧
如鴻儒碩量超邁時輩固當待以不次之任雖作成多士有賴
高明而士論輿評殊未厭也佇聞進登槐鼎康濟天下以究淵衷
卑悃祈向尤倍夷等

忻服重望為年久矣蹤跡萍梗莫獲進瞻英矩徒勤山仰廼者誤
被宸恩俾尸校舍遂獲託質宗範尤增欽詠雖祇服官箴未由親
炙榮席而向風慕德知所取法實不異於面承啓迪也瞻跂宗壻
恨無羽翮

某性質庸鈍學術荒疎塵竊末第奔馳薄官俗吏徒勞漸忘故業
今幸隸職庠序得以溫尋故習以率勵於常布實出巨庇更望台
光俯矚俾得效於微能以攀附於鱗翼之末不勝萬幸

某沉冗下僚未獲趨拜履甚豈宜不量薄分輕奉竿牘以浼聽
熒蓋恃至仁寬裕不棄尋微兼區區悃悃舍此無以自見是以忘
其狂斐敢爾冒瀆下情不勝戰栗

某申覆台閱寶眷恭惟中表咸擁殊休

其上覆都梁恐有駮策幸賜台旨當期盡瘁以稱器使

與錢直閣小簡

已秋暑氣尤酷共惟即日台候動止萬福比有自邑中來者訪動
靜聞大旆善達里門咫尺請見可勝欣慰然畏暑須稍涼也謹勒
參候

前此上狀止愧率畧回人蒙賜報甚寵三復謙眷無以為喻比辰
不審台用何如游官之久奉遂清之直懷郡紱以歸見親戚故舊
諒深慰懷尚此阻闊遡風馳詠不已

與監學小簡

遠遠風度數年矣迺心景仰與日俱深春寒侍次履裕起居康福
某疋祿祠宮諸况粗適未卜瞻晤願言將重以俟殊渥

向在濠梁忽得脾疾遂乞祠東歸今所苦已幸安愈平居多不出
故不知車騎東歸遂稽上狀以候動止使至忽辱真翰欽佩眷契
閱復感藏何時展奉以布區區向風增慕

伏審榮授北都監學豈勝欣抃才者得此不失故步亦足以養高
也第恐朝廷別有除擢入資國論以福天下不佞

與判部小簡

暑雨蒸潤恭惟握蘭華省地任清要風華與望藹然縉紳神祇
勸相台候萬福某備員彫郡衰拙勉強於軍興多事之時絕長補
短粗逃罪悔尚賒展晤更冀保練冲粹即膺持橐之寵

睽別多年每以臭味之感猥蒙簡記東南人便數領翰墨推襟送
抱白頭如新幸甚頓見邸目知南宮舍人之除細想以道學緒餘
摘華發藻百音皆奏隱然與三代同風掖垣館殿指期遷擢區區
夙素不勝彈冠之喜

郡卒回奉被春初所賜教染兼惠貺團茶拜受慙感銘佩無忘帥
坐素昧平生自到成都頗蒙青顧近以陞陟論薦乞必借重知有
所自幸甚因通家訊為道區區奮激之意千萬裁照

上丞相宮使小簡

某請開起居狀大略如右即日風露益冷共惟琳館宴閑神右勳德鈞候万福某孤蹤尚茲匏繫未能引去從杖履爲超世絕俗之游瞻頌高風下情不勝依依之切謹勒參候

一介之賤負緣職事方幸在侍門墻遠近訛傳南望唯劇犬馬之戀即日不審鈞用何似冬律肇寒願言對時致和宜滯茂經壽祉副天下拳拳之心

竊以功成名遂天之道近時王公大人非苟知之亦允蹈之者唯相公耳某與士大夫既誦詠高標遠躅有不可及之嘆念方持顛扶危有能任重如相公者又爲國家惜其去也

前日方相公抗章謝客之際日至舟次既不容請間尚庶幾追路一望台光而鈞旨亟行風檣頃刻已邈然矣徘徊江干瞻悵結戀

有兒女之感即日跋履伏計已遂幸居盛德所至固自有神明扶持若退之所謂務爲崇深輒敢爲左右之獻伏惟留意幸甚

某至愚極陋无取於世故冬相公復以舊物收錄數月之間樞屬宰掾皆平生夢想不敢到者相繼叨冒尺出大鈞之播未知稱塞而相公有請去矣引領息第祇益亦慕某博然於此欲請則未敢欲留則云依去留幾如觸藩羊矣相公尚軫念否耶

上樞密宮使小簡

暮春之月景氣清淑共推勳大德隆高蹈物表百神森衛台候動止万福某謹具竿牘仰候記史

申問起居已具右幣暑律後近敢乞上爲宗社弥膏粹和冲盛靈氣示服寵休區區頌禱實与有識同之

奔走範圍之內頗有歲思欲整冠抗容望天人之儀表叢霄杳邈厭路无由惟知誦當世之偉文師厚俗之懿行踴躍鈞播期不負於作成之化至若神馳夢想拳拳於造化之門則又拘積結而已



尚稽瞻拜矯首凝睇惟深景慕之懷

恭以某官以直道事聖主以厚德浸黎元自初登朝已傑然有公輔之望睿眷愈隆時論允屬年除歲立以登近弼入咸謂宜從容廊廡致吾君於堯舜之上使斯民鼓腹擊壤以樂太平者非公其誰倚正鼎軸之拜為天下賀

仰惟大雅君子明哲自保濟常竹帛既了能事復乃辭榮高蹈疏和願志於冲澹之鄉川吟野詠以樂天真嘗有安期赤松輩相與談笑於塵埃外也第恐冕旒注想復為蒼生起太傅於東山耳後天下之樂而樂尚須貯此以俟他日也冒言及此實用恐悖

某介迹賤久困末路惟念家世以儒為業不敢失其故習比者誤忝太常之奏猥玷銓籍實望不及此方茲從官之初廼獲密賴洪河之潤幸可言邪竊念某荒唐之季固自无取矧於吏事尤切茫然教載之職大儒所任况家兄昔為尚書郎又出榜下儻不以某之不肖立之庭而薰沐之俾得揚眉吐目激昂青雲則平生所

志庶幾少伸於今日儻不屑教誨是亦教誨之而已某敢不謹承

下風

近者交代報以及瓜促使首塗行即趨伏軒墀之下欣抃來集頽不勝情謹修啓牘以姓名自通於鈞覽併乞恕其僭率

鈞闕寶眷恭被鼎來之祉

公路恐有委令拱聽要束

上樞密宮使小簡

夏序清和恭惟耆英舊德燕頤琳館言論風旨海宇瞻頌神明鑒勞鈞候動止万福其貌在陬傲无由款墻仞謹具承倅下執事某勉強于此且一年半矣每有便介輒致書牘湖山眇貌沉浮未知但增瞻鄉耳目近人還奉被去年五月二十一日誨墨置之坐偶一日三復仰佩盛德不遺忘箴自舜汝之義豈勝感激也

伏以某官道德文章冠映海內勳猷勳然朝野注望然深執謙冲久就間曠清義嗟嘆豈其窮薄寒頓攀鱗附翼自有時耶

更冀以時保練惠綏冲氣即膺典冊歸穆夫緯垂副頌願

上大觀文宮使小簡

王練之

問訊起居狀粗如常禮已春寒色尚凜即日共惟琳宮邃清神護賢業鈞候萬福某頽齡暮景分宜退縮尚叨祠館之祿尺出鴻造唯是邈然未有陪侍鳩杖之緣引領高風有弋人何暮之歎謹勒叅悵

故冬寓只尺之書必浼聞聽繼以得請而歸踰伏田野亡從訪便貞記室問區區之心祇益景慕仰祈妙理生經茂綏福履以篤鈞閱之慶以副海宇之望

切以艱危以來主上論相數人其間藉英雄之姿奮經濟之業整頓乾坤再造王室有如相公者其誰哉今者均逸上至士大夫下至軍民莫不喁喁咨衣之歸益著士儒之效願戒舍人束裝以待輿議如此敢私布之

恭聞相公弭節天台居處飲食雖南北異宜仰惟相公簡淡之素

隨所寓而安之如在惟揚時也門墻下客唯日聽鋒車之召耳

某一生艱蹇晚節末路獨相公相遇為至厚此恩此意某蓋銘之心矣自相公去國既失所依而孤迹之危如燕巢幕亟亟于廟堂雖幸全至而歸退念孤相公頻年獎拔成就之意此其負負為亡窮也然亦安知造物者不為異時之地耳

上樞密宮使小簡

毛伯穎

春暉抄容共惟燕衍琳宮神和道勝老成魁壘之舊海內宗師神所鑒勞鈞候動止万福謹具啓承候下執事

其官以道德文章為世儒宗遭時多艱請纓徇國威謀知略折衝万福存存雁自春注入秉樞機止笏垂紳深謀遠慮天下誦嘆更冀以時葆練冲粹再膺贊列光輔玉至以究格天之業

伏以國步未夷士氣縮而抗歲愒日媿合苟容某官以英偉傑特之姿浩然直養之氣言論風旨頻伸顧眄有識贊動皇天眷佑宗社休運動興無競維人聽望攸屬豈宜久留閔勞均逸之地行聞

備物典冊衣繡來歸當軸處中以厭清議區區深切瞻嚮

某介孱瑣人微位下无所短長於執事初之段某鴻毛之重徒以向風慕義切於東素頃者輒以不腆之記率尔自通於執訊實恃某官蘊氣生風傑出流俗相士以天機而遺其皮毛故敢進其區區累蒙不賜鄙夷垂報教翰所以獎鑒敦飭之至厚敢不鞠躬佩服勤勤勉勵以無一顧之重幸甚

某莫儔榜登忝上舍及第沅淪州縣垂三十年矣中間備負揚州文館三忝郡寄而才力駑短觸事迂暗又不能小廉曲謹恣睢抵攢以投合流俗之好惡棲遑凋郡動遭譏謗頻致怨憎顧影踟躕惴惴度日今冬滿更方駕柴車歸屏田畝惟望某官登庸百揆敷贊皇猷大鈞所播品彙皆逐則此生寸進終累陶冶耳

某承先人緒業摩研編削苦心勞意於翰墨畦迕初无所造某官以儒林宗匠為世模楷筆端膚寸流潤末季而某斐然以其樵悴管蒯之賤進於師聽乃蒙褒稱獎予形於書牘切用矜奮不啻

見過於大賢也韓文公有言身在貧賤不為天下所知獨見過於大賢乃可貴耳不圖小子有此幸會謹以短啓少叙欣戴之素伏乞財察

與待制言使小簡

夏序清和恭惟分侍祠庭棲冲業簡措紳清言喁喁傾屬神祇相勞台候動止万福未由侍杖履更冀以道珍練即膺寵數光俗吾道自到眉陽忽已踰歲雖累致問牘然吳蜀万里江湖悠緬浮沉未可知也某迂踈不能隨順流俗日困風波口語无復佳况拱俟更滿歸偃林壑尔某官年兄尚淹間曠輿論未愜豈衰蹤蹇步砥礪附託亦自有時耶臨紙重增悵惘

與侍郎宮使小簡

仲夏毒熱伏惟燕申豐暇神明薦嘉鈞候万福某竊食行朝碌碌無補未緣俯伏賓闕謹上狀記室某借易皇恐

詢問起居已具右幅滌蒸在候調攝為宜敢乞為道自重願神養和以慰天下之所瞻仰

贈燈衰蹤素荷推挽戴恩亦德之誠頃刻不忘拜別崇禱忽已累歲何緣再侍函丈少聆書紳之訓區區師慕飢渴莫喻

切惟碩儒元老德望藹然朝之羽儀上之琳貌名遂身退士夫榮之方茲匏繫阻陪巾履企仰高風徒馳精爽

上觀文宮使小簡

問訊起居狀大畧如右即日秋暑共惟琳館邃清天人交相鈞候萬福某蒙恩備貢都司未由趨侍引領南鄉不勝依慕之至謹勸參候

某昨倅維楊偶徒御道出此邦寅緣得以望履繼此紛擾遂遠門墻即日不審鈞候何似暑氣未艾仰冀為廟社生靈並保合大和前拜冊命以慰普天之望

某向自浙東航海以歸繼請祠館竄伏湖山殆與世隔无從訪便

方四十八

十一

寓狀故冬竭來行在已聞相公被命將離長沙正恐道塗差池不敢輒具竿牘占叙區區之私某久荷眷知其心未嘗一日敢忘恩意伏惟鈞慈賜察幸甚

切惟相公以承天事業為時英輔學從長沙均逸而歸此中外所未喻也仰惟聖意趣鋒車之召濟中興之業行有詔矣獨是鄉曲之私日以歧望

某遲暮不才去冬復塵郎省一毫亡補坐待冰斥而誤恩踵至皆自相公平日知獎之賜匏繫於此亡從伸一言之謝仰懷恩施第劇感激行在或有使令願效犬馬之力儻驅策之尤荷不鄙之德

宣撫

宣諭

總管

總領

茶馬

都督

上胡宣撫小簡

毛伯穎

恭惟高牙大纛作屏殿邦夙夜忠勤神所勵相鈞候動止万福謹具啓承問下執

伏以秦隴繹騷岷梁疲弊王上側席憂顧肆命重臣仕保釐分陝之寄恭惟某官以道德謀慮冠映簪紳疇咨命同誕膺典冊天下幸甚一介尋陋辱在下風豈勝欣詠

某官德望之重峻極于天文律之高黼黻河漢固當延登衮繡以正鼎足承君之任主上方紹隆聖統恢復土疆惟是四川最爾居其會上流之勢藩垣倚注宜用一時賢業煩縶禁鞅鞭弭撫綏黎庶命書始下和氣穆然四川百城知所順勸敢冀保練壯氣垂副具瞻之望

川陝僻陋去輦轂下湖山繚絡路踰數千里某官建旌分閩轅門芟舍冒涉險阻不無少勞神用仰惟股肱之寄展尺忠力纓冠叱馭館穀次舍之間神明休勞百祿具宜某蓬蓬賤士當獲布武堂下以備掃除之役下情无任竦企

伏以蜀地陬徼風声氣習之陋無足比數然以朝廷德澤涵養之舊庠序衣冠畎畝陪隸粗知一心戮力出租賦奉期約今者某官

方四

六

以柱石大臣受任一方布宣德音唯是元元蚩蚩罔不委心展體以聽教條之下奔走承序敢尺布之伏惟幸察

某曩者備員渠州磨鈇策鈍粗免環曠繼蒙朝廷改除眉州尋而參政席公俾暫攝幙屬悠悠碌碌無一最一善俯仰羞愧方求罷居由舍待次茲者何幸當預門闈卒更瞻拜光儀不勝夙夜砥礪以幸一頌

與宣撫小簡

恭惟帷幄豐暇神人具宜鈞侯動止萬福某仰託節制之尊未敢司敗無繇侍見伏冀為國以道自重

某官道德文章九牧之人所共尊仰輕裘緩帶暫寬西顧衮衣繡裳即佇東歸益祈與時御且調順鼎食用副天下之望

伏奉鈞翰念其留落疾病之餘恩意甚寵跪坐以讀殆欲殫涕區區依歸傾向之心尚幸矜照

寶眷幾時可至府第下邑有驅役願受令

與吳宣撫小簡

秋序澄穆共惟玉帳靖嚴威加塞外忠謀勇略爲國長城神明寵綏鈞侯勳止萬福具啓承侯起居

伏以四川百城生靈億萬自中原震擾封豕長蛇日夕窺覘躬極力爲之非翰遂使元元出蚩仰事俯畜得以安其田里保生樂業大功巨德冠映今古區區尋眇濯冠潔佩敢不惕在下風某官以精忠勁氣爲國虎臣親董六師鷹揚霓逝遂使凶醜驚言懷追奔遠塞保固疆場威望赫然伏異爲邦家倚注之重念黎元仰戴之誠保練冲氣惠綏寵祿下情瞻誦之至

某竊服縉紳間每聞某官以豐功偉節傑出一代而能降忠屈軫賓禮寒士常願執鞭擁篲於士卒戎行之末比者何幸獲修容於轅門之下方甲八獲於油幘之前重蒙謙光盛禮眷待隆渥某委瑣齷齪曷能堪任但知銘佩至意激昂衰氣庶幾稱塞万分之一某自遠錦城忽忽踰月偶以迎迓宣諭幕府事叢鞠躬奔命日不暇給久不渌飾固陋諱復翰墨以致謝下執事切恃某官雄心大度不間微賤未貽譴斥敢率尔布之以幸悉察

上宣諭小簡

恭惟宣布多暇神明協相台侯勳止万福某遠託恩庇未繇參觀伏觀爲國以道自重

不審比辰寢饋何如高名盛德九牧所知暫去禁庭遠持華節恩言大布輿論交歡居報有期大用可必益異珍璣以副中外之望

蜀非用武之國如孔明之賢其臨中原屢以糧餉不繼而迄今宿重兵餘十年聲勢隱然震於強敵將帥之功固高而民力屈矣某官以文章議論受上真眷臨遣之旨是代子行國朝以來持節將命如富彥國之使河北又寬夫之使河東韓稚圭之使陝西未有若此之重者當有以大鎮拊之某將与州縣之吏重拜以賀區區此心伏幸矜察

其為漢嘉踰年愛民戢吏艱勤儉約不敢具言易資中到官未浹日適雨暘以時麥田甚美米斗至賤獄市不擾內外無盜竊之虞民情甚安斯有以上寬台抱憂卹萬一故併論之

與總管小簡

朔律屆中寒凝方盛共惟總戎多暇蓋載薦休台候與居万福某備員偏壘遠竊庇輝尚稽瞻對敢祈精毓天和別膺召擢謹具啓承候

謹時裁詞已列右番即此亞歲屆期陽施陰化伏惟英豪所履茂集殊休某拘縻郡事趨慶靡遑輒假緘封以見誠悃其為傾禱毫楮難殫

恭惟某官智略邁倫雄才冠世暫總戎於屯戍克精練於師徒一路人民盡蒙綏鎮既威名之茂著且眷倚之弥隆佇聞進位元戎策勳帝室以副與人之望

與總領小簡

方四八

程子山

氣候漸熱仰惟使節在塗雖有神明然妙護茵鼎以對顯寵則又人士靳嚮之誠所竊拳拳焉敢以告于侍史云

仰惟台座英規義旣冠冕多士固宜雍容禁闥翊贊昌圖而乃斜飛遠引挫節西來孰不慨然然六月不可不息七月當來及今見之矣士為貴用政恐不免如台座非耶

伏審陞華郎省總計邦財榮寵鼎來德威郵布甚盛甚休惟台座清修博習聰明疏通凡時之緩急民之戚休郡邑之虛實實无不察矣而以能為之財據可為之勢如破竹如決水如轉圜石於千仞之山桑陰不移環蜀數千里惠利霑洽以之更生豈待祠而祝哉少儲茂績歸踐禁塗竊拱以俟

負罪脫死歸佐鄉郡已閱一歲且半矣既不敢薄其官而漫略不省亦不敢出其位而妄求乎竒唯是潔已救過庶少贖於方來乃今台座將四路之使為二天之德庇實窮途之大幸也然亦安敢恃而不恐以累知舊邪惟高明財察

自經憂患焚弃筆硯矣。短檝姑以見其摶誠。非敢言文也。尚不鄙略。紆匠目幸甚。

似聞六御汴流之臺。府某一官有守。無由亟從衣冠之末。少修贊慶之敬。或者臨按少城。得遂所願。不勝大幸。

上陳茶馬小簡

晁子西

變秋至。共推六轡徐行。原隰有光。神明並相。台候動止。乃福某敬遣一介。以候前驅。

近日不審。台用何如。盛德所臨。百靈自當。高呵禦不祥。伏想當此炎夏。山川之氣。皆效清涼。更乞尺。消息之方。不勝至請。

天下之俗。委靡不振。又矣。士大夫習於寬簡。非君子剛大之氣。其孰能起之。某得諸搢紳之論。以為今可望以此者。於節下其誰哉。蜀郡聞風。已皆有立志。某獨恨所被者。狹耳。何時曠然。及變天下之俗耶。拭目以俟。

擢牧之政。蓋可以強兵而富國。主上文。幸以屬之節下。其意深矣。方

四十一

此講好修睦。正當閑暇之時。使茶戶富實。取其饒。以助給軍食。出徼外之駿。以佐卒乘。為之數年。恢復之具成矣。節下當擅此功。天下幸甚。

某流落遠方。以貧所驅。而冒處劇郡。欲罷不能。重以積弊之後。府庫空虛。賦入不及所出之半。視事踰月。茫然不知所圖。惟當夙夜匪懈而已。更望高明。有以誨告之。某之願也。

上都督小簡

仲春寢和。恭惟坐鎮江陸。運籌帷幄。百神拱衛。鈞候起居。万福謹具。公函仰塵。記史。

某謹時之禮。具裁右楮。不審迹辰。鈞用何似。仰惟盛德所至。神人交贊。福祿駢集。敢乞上為宗祊。倍隆調護。某下情不勝虔禱之至。某比緣軍檄。遂獲參拜。款待約束。曲荷恩光。不以位貌為間。特加容接。矜昧之私。有逾疇昔。抑亦見大人君子之用心。待遇門人之不替。下情感戴。雖刻骨銘肝。未易敷叙。

恭審恩自九天總臨諸將職兼兵柄位冠元戎名實所先華夷同慶某以猥職拘攣無緣再造鈞府以仰燕雀之誠輒具短啓申賀然評語無類自取饋節仰恃恩慈有以矜恕

恭惟某官以道德辭章標映當世善望之懿自且謀謨天緯勵翼庶工丕昭格天之業暫膺眷注峻陟元戎方將疇咨分陝之功光踐槐鼎以福寰海

安撫

上安撫小簡

仲春謹月共惟玉節所臨列城風聳幽明協贊鈞候動止万福人拜手稽首敬裁柔訥申玷典籤

某申詞寒溫之儀不敢不肅迩辰不審鈞用何似恭惟元勳碩德藩屏王家神相民依福祿繁衍更新茲調視復宣節兩賜仰符當宁眷注之隆俯徇四海依歸之望

伏審禁膺帝綽雄殿侯藩詔書甫下於九天和乘已生於列郡先

声所暨莫不交欣共推慶慰某屬以賤職拘縻不獲迎拜道左輒藉毫楮以伸燕賀之恭伏惟鈞慈俯賜矜察

恭惟某官道全德備海內之所宗師深謀遠識夷夏之所畏服名齊嵩岱勳耀鼎彝經綸之業宜在左右今茲歛惠一路而帝心圖舊佇見匪伊乎號鼎頌復專國柄均福天下蒼生延頸以俟

某疎拙庸微瞻望台躔不啻雲霄之間永言敬慕何可弭忘迺今幸會鼎來忝与屬吏之末行將躬詣大府受約束于下執事其為欣抃不能自言瞻望旌戟神爽飛越

某幸不聞道寸長無取繆當邑寄何補公家曠敗之虞朝夕芒負今幸託庇於二天之下拳拳依嚮實切此心儻蒙未賜罪逐誓當磨鈔策鈍期效補報之万一仰乞鈞察

某不揆狂斐砌成短啓齋沐繕寫塵獻言語燕類不足道古今而文言盛德聊以見區區之誠耳儻蒙少霽霜威一回電眄幸甚甚

上安撫丞相小簡

孟夏謹月共惟偃藩容與神相耆德鈞候動止萬福某謹齋沐奏
記仰瀆司視伏巧鈞察

謹時申訶右幣已肅迹辰不審鈞用何似敬惟盛德所臨各有扶
持景福潛介視復元吉清和在候更乞上律天時俯遵月令葆練
冲粹仰副隆委某卑情無任虔禱

伏審某官涓用剛辰肇開藩府吏民交慶規制鼎新共惟驩慶某
忝与屬吏固當俯伏鈞堦伸賀伏聽鈞旨遣還賤局聞命奔走即
抵下邑謹具手訥敬布燕雀之誠伏乞矜察

共惟某官與學洞古今浩氣塞天地逢辰致主伏命中興元勳碩
德輝映青史燁乎盛哉故雖均逸祠庭中外系望欽想簡注愈隆
暫屈蕃宣之寄自瀕而中復正台司益茂賢業以侈社稷无疆之
休天下幸甚

某一介寒微不敢萌瀨見之心伏承玉節鼎臨迎拜道左獲修屬
吏之敬黃綠幸會慰喜無窮念自拜遠鈞堦復經旬浹瞻望

旌戟邈在雲漢伏楮凝恋神爽飛越

某才學踈謬濫尸百里歲糜月費亡補縣官雖去替之期僅止
半載朝夕凜凜若何爲善後計仰觀二天覆護未賜譴斥誓當
益加勉勵求稱使令訴情瀆尊死有餘罪伏乞鈞亮
某不避潛躐之罪敬申鈞闕瀛眷安問伏惟復茲初夏內外駢擁
自天之祐下邑恐有驅使事件乞鈞首行下

上汪帥小簡

庚辛虺躔共惟高牙在行神明護相台候動止万福某敬遣一介
詣節下

比來不省台用何如益昌地接秦壠會當早寒計已授衣遂御
功裘更冀无犯風霜保合大和區區以爲請

節下之治蜀蜀人皆歌舞其賜常願赤鳥之留如常南康公坐至
中書令位冠廷臣其如霖雨之施局於一方使天下不被其澤度
聖上行當乃公矣

杖鉞臨此四道蓋三年矣計其勤勞論其見效宜歸秉魁柄乃為稱耳今茲制詔頒下領昭陵之圖書地近職崇以示光寵蓋不欲奪蜀人之廢庠故也某敢不為蜀人賀

某按刑茲部亦復暮年而司存實近蠻徼向來諸公居此極岌岌今乃得無事飽食者公來雪山重耳幸甚幸甚

上安撫小簡

仲夏毒執伏惟鎮撫豐暇神明薦嘉鈞候萬福某竊食行朝碌碌無補未緣俯伏賔閱謹上狀記至某僭易震恐

詞問起居已具右幅溽蒸在候天令不常伏乞特為宗社妙蓄冲和以副九重眷倚之重

曩者參政當朝進退群吏某備數省曹參謀相府實出鈞化自違節麾三更歲籥時事多艱塊處里閭不敢時以私書干溷聽覽惟是瞻企門闌不勝駑馬恋軒之誠

仰惟參政盛德元勳中外具瞻宜在廊廟康濟天下方面均佚久

鬱輿情匪朝伊夕當膺環召正位鈞衡以快士夫之望

比自祠宮召真省曹方愧叨冒復被誤恩為屬樞府皆自平時推獎之賜第輒空疎初無一得之慮賫畫省密日以憂懼尚賴鴻庇或逃官謗幸甚

上安撫小簡

共推燕及列城神明薦祉鈞候動止萬福某賴鴻庇如昨未由趨侍拳拳門墻不勝燕雀之誠

故冬乘便寓狀記室竊謂僭率已在譴訶之城竟德遠量既略闊之復賜誨報所以存獎慰藉甚寵仰佩謙眷淪浹肌骨即日不審鈞用何如暑氣正酷敢祈上為廟社對時節宣此膺魁柄以慰普天之望

切惟某官行孔子孟之道致臯夔之業器識之遠政事之妙宜居廟堂共濟中興出殿大邦亦既逾年側聞公議謂頒詔趣歸侍冕旒而參帷幄蓋口暮事也某嘗居隸屬之末尤切悚望

某待罪計都已慙非據而有密之地平生夢想所不敢到遽以叨冒違暮之才寔出參政從來鈞陶之賜獨某隔闕亡從占叙感激之私惟誓頂踵圖報万一神實臨之非敢妄也

上安撫小簡

暑伏敲爍共惟保釐綏馭說札樂而躬詩書方面隱然有金城之重神理相勞戩穀具綏台候動止万福謹具手啓承記室

某官翺翔禁臺風華業履冠映簪紳其於論思獻納見遠識微之明固主上所前席而思當饋而歎也登延贊刻歸輔台鼎即在朝夕更乞殮京太和益彊躰素行對寵渥下情虔頌

比嘗率尔具竿牘自惟擊轅拊生梓音曲節說瀆至聽宜蒙譴斥然某官寬隆尺一下焚監並多士清襟所照每賜酬酢箱篋几杖之間金石隱鈇警策寒陋一何榮幸

某一介凡庸備員部內固未嘗得戒衣冠奉杖履奔走使令於前恭惟某官樂育仁心兼收並畜齒牙餘論激揚寒素初无牖間

一十八

十三

一面之雅獨取堂下片言時衡推轂特形論薦凡材下乘頓增光價敢不勉強衰拙庶幾於任重致遠無忝題目區區鄙悖不勝銘藏荷戴之至

某猥蒙知遇置在藥籠之末共惟某官以儒林宗匠受任方伯風裁高峻蔚爲今世龍門而沉淪蹇頓濫被品目岷峨人士聳然改觀實深榮幸謹具短啓少道謝悃伏望燕間之際一賜觀采

上安撫小簡

暑雨蒸潤恭惟耆英鉅德爲國藩垣保釐督護之功百城順賴神用顯相台候動止万福謹具啓承候下執事

某官以簪紳素望冠映甘泉侍從之榮嘉謀嘉猷海內稱誦方當秉勳序爵翊贊鼎槐而當宁憂顧岷岷暫繫鎮撫共惟元戎十乘歿天子之邦億万黔黎性命攸仰伏冀保練冲粹精護寢興乘副瞻頌

某官申儆侯度布宣王靈所下教條无非惻怛忠厚之實立經陳

紀禁暴徒貪風尚凜然令行禁止休声恊氣薰顯太和兩暢以時嘉生亢茂某辱在部吏得曹曹怵惕恭於繩矩之末顧不幸甚

某比者不自揆度輒以駝駝之文仰干繩削某官以儒林軌匠運斤成風膏馥之餘不我遐弃特損書教褒稱獎與許以奇古之目自非顏淵附驥尾而行益顯感歎奮激不勝下情昔韓文公有言愈之所以志於古者不惟其辭之好好其道焉尔短章碎句摩研編削之陋既辱稱予敢不益思温尋研推淬濯砥礪庶幾乎言之必可行以無忘崇邁世教之厚德也

特蒙某官垂賜齊耐十壺仰認台眷拜受感悚恭惟荆州平一之惠建康清醇之德所以飲食教載示其仁心者厚矣敢不厲賢盛藏諸肝鬲

某蹉跎蹇步頓跡塵壒備員部下當物衆重夥政煩賦重之際刻肌刻骨攻苦食淡无所云補每用愧嘆伏遇某官以篤實輝光之德程董群吏獎鑒風裁蔚爲一世之龍門而念此孤蹤自維下文館三忝郡寄粗无環曠今當開陞正任資序願与牛溲馬渤雞壘豕苓爲藥籠中一物以階寸進猥蒙矜念許賜収録區區不勝彈冠振衣三浴三薰以俟齒牙之論也

聖宋名賢五百家播芳大全文粹卷第四十九

疊幅

安撫

上安撫小簡

仲秋謹時共惟坐鎮侯藩撫綏多暇百神森衛台候動止万福其
遙望旌戟行有瞻拜之幸下情預切欣愉謹具啓上塵記府

申問之禮不敢以微賤自廢具如右幅維時玉律方中涼颺應候
不審適辰台候復何似共惟分閩所寄恩威並暢軌躅靖謐福祿
駢臻更乞精練冲養即膺節旄之拜魯僚傾祝倍切拳拳

踈迹一介竊服威名德望積有日矣第以隨牒南北無緣瞻拜復
焉惟是區區願事鞭勒之心耿耿不泯何期辛會行奉台符於指
顧之末下情不勝榮慰之極

恭以其官元勳盛德久屬朝野之望經緯大略夙簡主知方狂虜
未殄朝廷側席優賢以圖恢拓掃除氛祲寧濟宇宙期戴王室非
公而誰興議如斯非敢為佞

切以中正大邦實古都國之會方此還定安集之初其官仰體眷
隆肅加鎮撫威惠並行羣兇屏息苛虐不作百姓蒙福元功卓越
前無古人嘉命顯書進秉樞筦折衝廟堂之上期在朝夕

其鬼瑣庸流叨鹿仕板再調銓部獲司曹掾遂以么麼趨事麾下
天與之幸感愧參集行將斂板公庭瞻望幕府當竭疲駑用副鞭
策下情欣抃之至

上安撫小簡

中冬寒凜伏惟偃藩多暇夫人協相鈞候動止萬福某仰託幷幪
未由俯伏鈞屏謹奉啓申候起居

上問絢履謹載右楮陽氣始萌伏惟順乘令序弗祿蕃衍某拘繫
不獲旅進階符稱慶伏乞上躰眷懷精調養寢倍保鈞重至深
祝望

迺者伏審其官均佚機務來牧要藩列城聞風莫不胥悅其既無
緣負弩少展望塵之禮復不敢坐通尺牘干浼嚴重輒因新節聊

述卑踪伏惟鈞慈特賜矜察

仰惟其官蚤以真儒擢居元輔當國步艱難之際奮然以忠義自許不避險阻四海之內蒙板嘉澤幾年于茲元勳舊德謂宜永佐王至與宗社同休倚節召還秉國鈞以慰蒼生之望

竊承河南郡縣悉歸版圖中興之功誠日月可異所賴黃閣疇庸緝熙帝載俾寸地尺天皆入真籍然後仰副聖主憂勤之意其官任隆柱石茂績殊勳竹帛難紀未類同秀衮衣東歸在此時矣措紳鳴喁非獨辱品所敢諛也

某蚤遊賢闕壘蓋十載偶獲綴相公榜末是時雖不及參識於稠人中瞻望風采昂昂若雞羣之鶴決知非池中物也伏自相公當軸陶冶天下士類獨某以不才之資無階可備器使賦分淺薄夫復何言引胆鈞閱徒增捲捲

漕使

上漕使小簡

區區參訊已列右記即日仰惟清心肅物有神自相台候動止萬福某謹再勒副上承

切惟吉德君子所至如和風祥雲品物爲之悅茂而蜀亦然備矣得公之來濯濯遂有寬裕之意然高文大手當施之北門西掖豈久淹於此乎丘林之壘尚爲公一增氣也

頃因牙吏草劄上狀蓋念世間陽尊淨禮非所以事長者而又自聞使旌壓境某閉人也若將遑遑然與負弩之吏爭牘爭先則公亦將鄙之矣故有所待而後講乃蒙高義不忘首賜牋記優借甚寵下情愧悚重以自各尚惟寬明有以原炤幸甚

蜀士多文采其學業其志節足以與古人相上下者蓋亦有之但生遐陋俚俚無所統盟程能定價使之依以揚聲而補於世用則公當任此重也某老矣百念灰冷唯於人物猶有莫助之愛敢竊以私於下執事焉區區惟所財幸

門下尊少伏惟均介盛福某焚香硯久矣偶作小記漫遣呈亦

足亦見其憂患廢學如此耳併師相生辰詩五首往十一觀

上漕使小簡

時維季夏熾以景炎共惟攬轡去初臺綱靖肅神示妙相台候動止萬福某拜手稽首敬裁手訥仰塵典籤

申問之儀已列彝式比辰不審台用何以仰惟澄清一路調度有經神之聽之福祿繁衍更祈勉懷躰貌珍護社稷發行膺顯拜以叶中外之望

伏審某官榮被宸恩肅將使指自日之剛已諧視事共惟慶尉某屬邑下吏喜尤倍於常人敢著裁短啓別緘伸燕雀賀厦之私伏幸台慈特賜省錄

共惟某官望隆朝野識練古今夙被眷知荐揚聲實固宜密勿禁庭朝夕獻納輔成至治以福天下閩陬何幸兩私大惠第恐坐席未煖環召鼎來入拜制麻垂副公議

去春拜違台表屈指年餘拳拳尊敬頃刻食息不敢少忘唯是遠

方四十九

方四十九

方四十九

隔不及時真記室之問迹雖似懈情實不然茲者伏承玉節載臨某自惟疵陋一何太幸又獲仰事賢使者况桑梓晚進計未終弃

蒼皇台躔不勝依向之誠尺楮寸毫莫究萬一某愚不省事繆當邑寄曠敗之虞且且凜然亡何終更善後之圖未知收措仰惟厚德君子怜憐寒進周旋覆護不以罪行而莫大之恩當銘於子孫肺腑矣伏冀台念

使闕仙眷敬惟履茲庚暑中外駢擁雁鴻之社下邑恐有驅委乞賜台戒願殫駑鈍之誠

上漕使小簡

仲夏謹月伏惟繡斧光華臺綱增重神示扶翼襄台候動止萬福某代匱下邑仰承陰樾未由趨拜履絢謹瀝沐具狀于瀾輿隸之聽伏乞台察

申候茵帟恪載前記未審適辰台候復奚若恭惟玉節載臨澄清有道天人威助固宜祉福之川至也敢以上為朝朝加餐養食寢

晉膺柄用益懋康濟之圖為天下請

恭審其官榮拜宸恩肅將使指先聲士庶交欣洵日之剛已諧登攬其叨與駕吏喜倍等夷限守官箴阻迎道尤謹具短啓別緘伸燕雀之賀伏紙營依神爽飛越

恭惟某官以大雅之資至剛之氣淵源學問追配古人餘事文章度越今世結知丹宸入踐禁途屬時清明九重分臺耳目之竒妙簡朝望動是屈我公登車方初列城風從元元仰惠抑何幸欤然竒謀妙蘊益據究於廟堂政恐坐席未溫揭瓠環召入拜制麻區區偏方詎能久淹耶輿議謂然非敢謾貢

某卑冗寒微佩服山斗之望多歷年所雲泥異蹟不獲一拜台光永言敬慕鑒寐不忘伏承肇開臺治而某備員支邑忝屬提封獲叨庇休於景星慶雲之下瞻望企仰私自語幸實何異於親侍炎煌之席也依歸彌勤辜楮莫旣

某曩自叨竊末第強顏入仕一紀餘之屬以偏親之養覲竊寸

方四十五

祿得邑海瀕行書一考自惟孱陋學不見道以之從政曠官之責將何以為善後計茲幸賢德鼎來奉教戒叮嚀有日矣誓當勉礪厥職恭承嘉惠靡敢貳寒期效寸長於厲吏之末儻其家台慈矜其不逮而使免於戾豈勝厚幸俯伏陳露尚祈台察

其一介疏遠不敢僭申使堂上下靖共之儀下邑恐有使令乞台首行下

上漕使小簡

秋霖博腴共惟祗命辦嚴輶軒綉斧光華原隰台候動止万福謹具狀承候下執事

某官勤勞德業簡在宸衷銜恤之久上心倚注每隆無替是以祥除之始誕錫嘉命以數路百城焜煌旌節庸示委屬於聞賜環之詔歸主論思荷慶之選乃慰清議

滯去誨席之久自春閣一致問牘尋辱裁報翰墨款曲之間仰認恩意自尔吏事倥傯久踈遣省企作惟愛予宿素未貽剪弃吏

組拘縶尚未能移伏明屏敢冀保練冲粹樹膺晉澤垂副願頌

上漕使小簡

賀生日

季冬謹候共惟漕臺飛輓廉晝優間靖共神相台候燕輿萬福
其遠託恩覆未繇瞻拜台光謹具啟申詞記府

仰候起居之禮粗陳梗槩適辰未審台履後復如何欽惟澄按多
暇神物交扶茂介殊祉歲聿向莫寒氣益隆敢祈上躋眷懷妙
毓崇粹以俟晉擢下慰拳拳之禱

九冬幾滿氣數將周乃某官降神穀旦伏惟元精所鍾面質特異
仁性符於愛日剛德協於嚴辰出為英傑以佐昌期實自空靈之
默相福祚壽齡固將與宗廟社稷並其久長非管窺蠡測所能知
其極也

某官德宇高明性天夷粹自妙齡馳英聲確有柄用功勳節操顯
顯在人耳目自非大易應時列星間世何以臻此且其取登禁垣
旋陟台輔以快士鄉之評尚淹漕寄未愜輿情佇聆鋒車促召以
究遠猷門下小子尤切傾俟

恭以夢熊吉日得聲良辰縉紳士夫交騰善頌誠由恩輝義槩有
以感物激人故并蹈之至不謀而同矧如疵陋之跡蚤蒙陶冶後
有賴於生成其為傾祝當如何哉限拘官守不克趨廁補觴之列
謹具短啓以露微誠仰祈煥察

其萍梗四方久遠墻仞感戀恩德之心無時或替前此欽聞攬轡
之始嘗具柔牘馳慶幸遂塵徹焚席每惟雲泥執貌不敢頻
拜及書恭逢誕日復尔借易修真兼以星香功德品目專人贊獻
台堦用伸紀頌輕越之罪敢觀恕原

某微瑣凡材夙叨品題遂獲備數一同常思勤劬恪謹以免疎曠
庶無辱於恩門茲緣天幸復藉提封之庇豈勝忻戴更勦盛德
包容始終獎拂俾益安於賤職以再入於鑪錘實輟生之至願依
歸頌政毫楮難殫

上運使小簡

晁子西

樞序氣炎伏惟攬轡入境神相循行台候動止萬福某敬遣一介
候詣境上

迹日不肖台用何如伏惟乘傳而來雖當盛暑有玉節所至肅然
風清自應不知煩鬱也更祈厚自持養以副巡屬之望

伏以其官風度英秀粹然如圭璧且薦天也宜在清朝不謂乃
爾久使於外雖一方受賜矣其若不稱何行觀壘召之至

峽內地褊小無甚劇事殆不足以展大才所謂太阿龍泉匣而藏
之識者所惜也近省制誥改臨益部聖主蓋亦知之矣此方正議

除虛額之調未能即副上意其有待於節下願言疾驅
某本不任為郡如得事忠厚之長以保持之則可耳向在梁山微

節下之賜其何能免於矣耶既來此部猶一萍之託茫然之水日
夕惴恐忽聞輶車當來喜不可言不覺欣然起舞也某更十告朔

亦去矣預恨窮薄又如往時不得久此寒士之大厦也

上運使小簡

申問記史已具右幅季夏謹時共惟澄按豐暇神衛忠功台候動
止萬福某夢寐如昨未繇趨侍南向拳拳不勝犬馬之戀謹勸參
候不備

某一介之賤乃得以職事受察節下側聞消擇剛辰已諧禮上賤
職奔馳未皇斂板一望台光躬修萬一之賀似慕威重朝夕以之
即日不審台候何似諒惟列城蒙休動履百順坐致殊祥炎涼未
節敢乞妙齋冲和益緩壽嘏拱俟詔除以副中外之望

某屬者輒犯分義率然具只尺之書塵瀆記室少伸燕雀之賀不
審嘗徹台聽其職事係在蘇常江陰三州往來幹辦以故未獲伏
詣使臺下情朝夕皇懼伏惟神明矜察幸甚

切以少卿文術才具上副眷知下車未久烈績已著一路士民孰
不鼓舞被翁繡爵之澤第恐進陟禁近行有詔矣輿誦屬焉非敢
為佞

上運使小簡

歲筭肇新共惟某官澄按豐餘天人介相台候動止萬福某凝
睇星臺未卜啓觀謹修柔訥仰于下吏之聽

申詞與君已塵管記迩辰獻歲發春不審台履復何作仰惟觀
省風謠列城侯頌履端之始百順來宜更祈上躋眷懷增勉苗已
佇聽促還以慰縉紳之望

仰惟聖天子所以坐享隆平者皆以外臺得人政流民悅之所致
也當是之時某官以上所簡注出擁皇華其寬大和厚之氣薰被
黎庶坐使列郡之民熙熙然如舞春風而飲醇酎可謂不負委任
責成之意矣然一路何足以私大惠必將接武禁林垂光雲漢使
六合內外均被其賜然後足以究其施設也士論所斷匪佞

屬者進伏台墀既辱燕見於賓客之末且蒙略去威重兩使侍食
慰以溫言所以教督而寵藉之者雖父兄之於子弟不若也自惟
一介微陋何以得此佩服搗謙有言莫喻伏自逃遠光儀忽忽閱
歲嬰犢之暮已劇于中何當再遂望履以罄款言臨帟翅風恨無
飛肉

上運使小簡

中冬寒凝伏惟攬轡澄清臺網振肅神明扶掖台候動止萬福
某延望旌麾未期參覲謹奉狀仰承褒貶寢伏乞鑒察

申問之儀已列右楮即日不審台用何似伏惟下車伊始風化班
宣戩穀叢書寒氣已嚴更祈上為清朝葆毓冲粹別膺異數下
情無任虔扣

恭審光被綸言總司漕計芘株所既欣抃攸同某屬賤役拘縻無
階旅進稱賀凝望輶軒精爽飛越

仰惟某官碩德重望著于朝端蚤被簡求周旋省寺休譽赫然孰
不歸仰謂且論思帝所日侍清光尚且擁節外臺殊弗與議佇
聆嚴召促還禁從光輔王室用紓中外之望

南閩遠部三屈使華伏想輶車入境老壯歡呼深仁善政遺愛在
民去思之詠幾年于茲一旦重瞻四牝再沐恩波人心慰愜當如

何哉第恐聖主圖任舊德不容久駐此非下吏私切欣嚮實措紳之所同也

某頃年備員合沙數獲仰瞻履舄重蒙獎借銘篆肺腑豈有窮極拜違台範閱歲滋久冗賤孤蹤不敢坐通記府之問母於邸報時見遷擢亦足慰景慕之心然賢業素季未盡發揮更願涵養以需天寵至深瞻祝

上漕使小簡 賀冬

冬深寒重伏惟秉心宣猷臺綱振肅神明胥贊台候連止万福某竊祿無狀政賴忤懷未遂參拜謹奉啓起居仰乙巳察

申賀之誠謹具右記即辰不審台候何如歲華向晚敢祈上爲明時惠序珍毓前席百拜其虔禱

一陽來復品彙潛萌恭惟對此令辰道亨迎協氣茂擁蕃禧某限拘文檢阻造台堦稱賀傾頌之誠但深馳仰

共惟某官聲華員卓越久著朝端伏自澄按屬部恩威浹洽罔不

震肅竊承睿眷方隆討司之任恐難久淹任膺嚴召亟躋華要發揮大業以慰人望

比嘗具狀上塵記府既而不果荐真柔訥誠恐冒瀆台嚴固非懶慢仰惟寬明特賜矜察

其一介凡瑣備數下邑雖效職浸久而空食罔功第切驚惕伏望台慈更垂保庇尚當自竭以副驅策

提刑

上提刑小簡

仲夏謹月共惟繡斧光華臺綱請謚神示左右台候動止萬福某承乏下邑仰託委存未由詹侍謹具啓上塵記府

迩辰不審台用何似欽惟玉節載臨浚清有道休祥駢集密有扶持梅暑鬱蒸更乞上爲朝家加念鼎第前准召拜

共惟某官挺不世姿負過人略其笑談餘暇足以剴治煩劇其動靜俄頃足以建立事功誠可謂難得之才萬夫之望也况當大有

爲之主夢想人傑力圖恢復有如執事固已簡在帝心外臺祥刑之寄姑惟借重政恐不待席煖突點而詔音頒矣區區賀誠謹泚筆以俟

某講服台望非一朝夕恨以沉冗不獲瞻拜炎座永言敬慕駿莊不忘茲承肇開臺府而其備員支邑忝屬提封獲與使令之末其爲尉幸何可比量尺楮寸毫莫究万一

上提刑小簡

劉夷叔

序氣向暄即日不審台用何似某承乏藏事日與同人講論德業以次傳授無由趨侍不勝企仰區區奉啓

太上出公以福遠人巴神楚鬼預有憑附伏惟下車以來寢膳安吉起居輕利益副遠近傾屬之心某在門下區區不任大慶

近者方得以書致賀嘗布腹心述其所以不敏之故意謂必獲誅絕將命者反廼蒙寵以報音然後益愧向者窺量君子之淺傳播士類咸謂盛德包荒乃至於此人之愛服敢再拜告諸執事

六十一

方四十九

九

迺中伏領公牒蒙被保任皇恐死罪伏念某以薄技誤蒙收拾不惜語言粉飾薦道向者當途貴人所以寵異惟公之故此心恫恫常不相忘未知所以報塞君之大貺枯朽重任懼將厭焉小人無路報德惟知自脩不負所期而已不識執事以爲可否

平生憂患如籠中鳥久被閉執系無復飛想門下親臨其旁碩瞻歎息如有冷而出之之意某切以振勵庶幾求出情之悃悞因此發露伏惟不以爲小人不可近而遂借者待之幸甚

上憲使小簡

趙公填

季冬謹時共惟登攬之初神人扶相台候動止万福某竊食部封仰依覆護未由瞻觀謹具記于溷輿隸之聽伏乞台台祭

值候威嚴具如石削不審迹辰歲晏嚴寒台履復何似恭惟玉節載臨至和來宅敢乞嚴護裊七葆齋台重慰天下朝夕之望恭審其官榮拜新恩肅將使指先聲所暨士庶交欣消日之剛已諧視事恭惟慶尉某自聆成命忻喜倍於常人敢著裁短

啓別緘伸燕雀賀厦之私伏幸台慈特賜省錄

其官天資傑特地冒高華兩宮之眷方隆四姓之侯莫比果膺一
札畀以祥刑願方今練達之材疏通之政以其觀之未有如閣下
者而幹旋樞極燮調元化揔天下本兵之寄非公尚誰望耶第恐
坐席未煖環召鼎來入拜制麻垂副公議

伏自今春下遠遠之拜屈指數月漸見歲換拳拳尊敬頃刻食
息不敢或忘唯是遠隔不及時真記府之間迹雖似懈情實不然
自邨報初傳知有持節江東之命某自惟衰晚一何天幸又獲仰
事賢使者况門墻舊物計未終弃朝夕引領但未有趨拜之便少
叙下情睇望使星心精馳騫伏幾台炤

其備數于此已書一考有奇冗食素餐幸無吏責祇益自愧來
春先次搬挈碎累歸于長樂旋為趨朝之計展幾密迹河海千里
之潤旌旄按臨屬部諒在匪伊自當伺壓境之初先眾人而郊迎
以盡區區之恭情之欲言非筆古之所能既惟台慈有以亮之

五月十九

方四十九

十

國太夫人即日恭惟百順駢臻五福寧謐

台眷上下一茂集休祥有委使乞賜台旨

上憲使小簡

區區參省已列右牋即日仰惟舟御所臨有神自相台候方福謹
再勒副布下執

天方暑雖江流奔壯放溜容與想甚慰愜尚冀精御粹冲以副願
望至禱

西州劇部蓋冠全蜀而嘉陽江山雄傑呈露雖不及吳越之清遠
然在葦朶國寶冠諸郡也臺府高明宏麗甲乙成都君子一臨
益增重矣

眉山蓋在天之末也台座宜翔臺者乃今擁節實辱臨之而已
老窮交豈謂得與父老子弟爭先觀於鄉固平曷勝大幸

上憲使小簡

張安國

暮春之初天助氣清伏惟秉節東都神相吉德台候方福某謹

勤啓上承記室

請違台表忽閱歲時跋暮老成夙夜拳拳比辰不審外臺暇日復用復何似敢祈上體眷懷視時御宜亟膺驛召入對嚴陞區區至禱

嶺海之間民夷雜居彊悍成俗喜鬪健訟一以吹噓撫摩則有稂莠之害一以苗婦發擲則有獄市之擾必得忠厚明允之士寬威兼濟以燮和之故上以節授執事俾立欽恤奉使稱旨即有顯褒鋒車促還冀遂先覩餘惟爲民自重

上趙提刑小簡

春寒共惟外臺重且暇神明協相台候動止萬福某近託大庇未繇參覲伏冀爲國自重

不審寢饋比復何如同姓之卿且歸本朝以衛王至尚祈珍留前趨召驛

其瞻仰名德之重于茲有年此者待罪下邑遠獲恭事威嚴幸

甚何當一詣帳下親受約束臨書不勝欣幸依歸之至

上憲使小簡

氣候嚴凝伏惟聳鎮百城神明扶祐台候動止萬福某遠藉榮輝未以罪斥尚阻趨伏謹具手啓參候

候問台嚴謹如右幅陽律方新純剛浸長共惟履茲令序戩穀實繁某拘縻無由捧觴稱慶伏冀愛齋神粹永階曾史俾熾之禱廼者伏承星輅臨按遂獲瞻望符采殊沆疇昔仰德之誠拜遠台光遠閱兩月內擁勞結不可具言更乞益隆賢業前需而峻召慰中外願望

仰惟某官聲迹卓越妙簡淵衷澄清厲部已逾朞月平反獄訟絕無冤濫真足以仰副欽恤之意憲臺雖極嚴峻恐難久淹竚膺異數以安輿論

某備數百里職事曠敗分甘汰斥前日飛駟按行特蒙寬宥未賜威責不敷之資願何以論報唯銘鏤肺腑誓不志德姑此申謝方一

上憲使小簡

欽服威重有年于茲雲泥之隔無階趨就下風惟其注仰不忘旦暮天假之幸乃使密依虎節平昔願見將遂尉釋千百欣愜無以借况

伏承簡在淵東榮司外憲消日之吉已開盛府裁剖伊始行獄一清自淮而右綿地數千里如在水鑑中顧屬吏所以歸賴且如何也薄官匏繫趨賀無從引領使星但劇善頌

仰惟某官偉望嘉績凌厲一時歷金門上玉堂士心斷向久矣尚茲弭節蓋清朝用賢之漸匪伊嚴召即踐槐鼎霽然霜雨以福蒼生某雖孱陋嫉及霑丐得之師言非敢為佞

旌旆至臺赤旣旬浹凡在悒悒之下且奔走階地以承戒約小官有守不敢輒望台閤懈怠非所欲為仁明必推情恕不然則孤外之迹奚能少安耶

寅緣寸祿獲依麾戟筮仕荒陋豈敢逃責惟王公大人教其未至而貸其不及使遂黽勉歲月不為親愛丘山之賜顧易量耶近仰明闡倍萬眷眷

下邑雖僻民訐實繁偶歲屢豐巨寇攘不作訟鉅因亦簡稀驚鈍無堪少逃官謗皆仁施所暨也甚幸甚幸

